

中醫病理學
曾宗

柏魯先生屬題

學紹岐黃

高登艇



柏丞先生有道

醫界明燈

王伯羣敬題



杏林秘傳

劉柏丞先生以所著中醫病理學
會宗屬題

甯化雷壽彭



醫
家
秘
鑑

柏永先生屬

周翰題



柏丞先生屬題

活人有術

陳培銀識



柏丞先生屬

批卻導竅

陳天尺題



柏丞先生中醫病理學會宗大著

醫西學律勸

閩侯鄭祖蔭題



學醫階梯

劉柏庭先生以所著中醫內病理
學會字見示為題數字題之
丙子初夏愛黃題



柏丞先生屬

靈寶新傳

林知淵題



發奧探微

二十五年四月為

劉寶森先生所著

中醫病理學會字題

曠臨劉子武



學貫中外

柏丞劉先生出女宏著扁題

為書此語贈之

詹調元



柏丞先生屬題

融貫中西

黃祖漢



中醫病理學會宗秦序

中醫無病理學專書。巢元方之病源候論。皆言病因。去歲不佞主講小桃園。撰病理學講座。亦病因說也。所以然者。中醫論病理。最早借天地自然之現象。以候人身。次之侈言陰陽五行之玄奧。以應常變。晚近強引西方之學說。以相號召。前者失之虛。後者失之附會。念中醫之特長。在辨症用藥。所謂有是。因則有是症。有是症則用是藥。遂略言其理。而惟因是重。不特初學者可以驪珠在握。卽進修者亦有左右逢源之樂焉。夫因者不越內外。外者六淫。卽空氣之變化。內者七情。卽臟氣之變化。空氣之溫度無不變而寒溫生。濕度無不變而燥濕生。臟氣受喜怒無不變而或緩或逆。受驚思無不變而或亂或結。卽症求因。因無不顯。從因推理。理在其中。較之執細菌以論斷。必檢獲細菌而后能施治者。其價值爲何如耶。劉君柏丞幼承家學。長擁臯皮。有

鑒中醫病理專書之闕如。輯病理學會宗若干卷。先之以疾病之理解。次之以外因內因不內外因之分析。殿之以藏府虛實之病理。其闡六氣。既多新解。於外因增酸素食物電氣光線寄生物。於內因增遺傳體質年齡性別職業人種等新說。本古訓而不拘泥。采新知而不狂悖。非學養俱深者。曷克臻此。豈僅中醫多一新書。吾將以此覘中醫之氣運焉。余年來著書立說。及教人求學行道。一以平正爲歸。或謂吾齒漸增。應化絢爛爲平淡。實則深有感乎橫流震盪。有所思於中流砥柱。劉君解人。當亦首肯。會承囑序。拉雜書端。不禁感慨係之云。

中華民國二十六年一月上海秦伯未

張序

中國醫藥之學。發明最早。自神農黃帝岐伯。世數荒杳。代有傳人。當時竹簡漆玉。傳播不易。然秦灰雖燭。不去醫學卜筮之書。以知靈素內經。皆授受有本源。未可以傳自漢儒。遂目爲附會也。班書列醫藥爲方技藝成而下。學者羞言。故靈素內經。不與尙書禮記並列。學者深爲可惜。漢張仲景華陀爲醫中之聖。仲景傷寒論。至今爲學者宗。華陀遇難。解剖之學失傳。洗髓伐毛。遂讓西人獨步。醫學不絕於秦而絕於魏。曹瞞真萬世罪人也。近世論者以中醫爲宗教式。不如西醫爲科學式。余謂八卦五行本於易。乃哲學精神。以倫理推之。人在氣交中。四時寒暑。陰陽燥溼。病所由生。卽研究病理者所不能外。故哲學亦科學之一。未可以宗教式少之也。中西醫學新舊之爭。甚於今日。喜新者至欲舉中醫學術。一旦推陷而廓清之。厭鷄愛鶩。賢者不免遠識。

之士。於是有國醫學校之設。使中國醫學。不至如廣陵散之中絕。吾莆劉君寶森。亦與諸同志。就涵江紫璜山聖廟。創國醫院校。自爲教導主任。兼授病理學。以是科課本寥寥。乃就其學術經驗所得。作爲是編。爲學者津梁。分內因。因不內外。因三則。條分縷晰。融貫中西。別開生面。謂之守舊說可。謂之創新說亦可。雖椎輪大輅。可決其必傳無疑也。余於醫學茫無所得。承同志公推。忝長斯校。因讀劉君書。爲序而傳之。俾承學之士。有所問津焉。

中華民國二十五年三月莆田國支館館長張琴